



Inuussutissarsiornermut Suliffeqarnermullu Naalakkersuisoqarfik

Departementet for Erhverv og Arbejdsmarked

Inatsisartuni ilaasortaq
Justus Hansen (Demokraatit)

Naalakkersuisunut apeqqummut uunga akissut: Meeqqagut qimminit paannittartunit nukittuunillu saassunneqarnissaannut illersorniarlugit Naalakkersuisut qanoq iliuseqarniarpat?

Ulloq/Dato: 14.08.2009
J.nr. §36-spørgsmål

Siullermik qimmit paannittartut aammalu nukittuut pillugit apeqqutinnut ullumikkut sammineqarluartumut apeqquteqarninnut 12. august 2009-meersumut qujaffigeqqaassavakkit, minnerunngitsumik piffissami matumani pingaartumik qallunaat tusagassiorfiitigut qimmit pineqartut pillugit samminninneq annertooq innersuussutigalugu.

Postboks 1601
3900 Nuuk
Oq/tel +299 34 50 00
Fax +299 32 56 00

Apeqqutit akisinnaajumallugu Kalaallit Nunaanni politiit qullersaqarfianut Nuummiittumut 13. august 2009-mi mailikkut saaffiginnippunga aammalu uagut uumasunut nakorsaqarfitsinnut saaffiginnippunga qimmit paannittartut aammalu nukittuut inunnik uumasunillu allanik innarliisimanerisa annertussusaa pillugu nalileeqqullugit. Apeqqutigita politiinit suli akineqanngilaq, uumasunillu nakorsaqarfitsinnit ilisimatitsissutigineqarpoq, piffissami 1. august 2008-miit 1. august 2009-ip tungaanut pisut assigiinngitsut arfineq marluusimasut – tassa pisut uumasunik nakorsaqarfinit ilisimaneqalersimasut matumani pineqarput.

Pisunit arfineq marluusunit pingasut tassaasimapput qimmit inunnik kiisisimanagerat, marluk qimuttunik qimmeqarfinni pisimapput ataaserlu Nuummi pisimalluni. Qimmit kiisisimasut tassaasimapput kalaallit qimmii qimuttut aammalu rottweiler. Kalaallit qimmii qimuttut toqunneqareerput, qimmerlu kiisisimasoq kingulleq pillugu politiit qimmip piginnittuanut piffissami matumani suliamik ingerlataqarput. Pisimasut sisamat sinneruttut tassaapput qimmit qimmeqatiminnut saassussisimanagerat, pisunullu marlunnut tunngatillugu ilisimatitsisoqarnera naapertorlugu qimmip ataatsip, tassa rottweiler-ip qimmeqatiminut assigiinngitsunut saassussisarsimanagera pineqarpoq. Ilisimatitsisoqarneralu naapertorlugu pisuni allani qimmeqatiminnut saassussisimasut tassaasimapput qimmit Nuummiunik taaneqartartunit. Inuit eqqorneqarfiini saassussinerni kalaallit qimmii qimuttut pitussimallutik saassussisimapput, pisunilu allani qimmit pitussimanatik angalaannartut saassussisimallutik.

Rottweiler paannittartutut aammalu nukittuutut inissisimavoq, taannatuaavorlu qimmini taamatut inissisimasuni, inunnik uumasoqatinilluunniit innarliilluni saassussisimasoq, pisimasorlu nalilerneqartariaqarpoq ataatsimik amerlavallaartoq, taamaattorli danskit tusagassiorfiini saqqummersinneqartuni saassussisut amerlassusaannut nallersuunneqarsinnaanngilaq.

Siuliani ilisimatitsissutigineqartut tunngavigalugit isumaqarpunga ersersinneqartoq Kalaallit Nunatsinni qimmit angalaannartut ajornartorsiutaanerit qimmit paannittartunut aammalu nukittuunut sanilliullugu ajornartorsiutaanersoq. Aammalu soorlu illit oqaatigigit, qimmit angalaannarnissaannut inerteqqutaanerannut inatsiseqarpugut, inatsillu atuutsinneqarnissaa politiit aammalu uumasunik nakkutilliisut isumagisassaraat. Taamatulli erseqqissaateqareerlunga siunertaraara Danmarkimi oqallinneq qanoq naammassisaqarfigineqarumaarnersoq aammalu danskit naalackersuisuisa inatsisitigut qanoq malitseqartitsinissaat utaqqimaarpara, danskillu naalackersuisuisa ilimasaarutigereerpaat qulakkeerniarneqartoq sunniuteqarluartumik aammalu timitaleruminartumik qimmit paannittartut nukittuullu eqqunneqarnissaasa aammalu pigineqarnissaasa inerteqqutaatinneqalernissaannik kinguneqartumik.

Inussiarnersumik inuulluaqqusillunga
Ove Karl Bertelsen